



DOAIBMAMUITALUS 2007

Njuohgárgomátki

Searvi lágidii meahcsemátki Njuohgárgo ovddeš miessemearkungárddi lusa geassemánu 15. - 17. beaivve. Doppe idjaduvvui guokte ija ovddeš bigálušgámpáin. Mátkis oahpásmuvvui guovllu lundui, historjái ja báikenamahusaide, guovllu geavaheapmái ja erenoamážit dondološ bálvvosbáikái ja guovllu boahhteáiggi áitagiidda (ee. ruvkedoaimma). Samuli Aikio doalai logaldallamiid Njuohgárgo bálvvosbáikki ja báikenamaid birra. Nils Länsman fas doalai logaldallamiid boazodoalus Njuohgárgos ovdal ja dál sihke bálvvosbáikkis, ja Pauliina Feodoroff ruvkedoaimmaid dagahan áitagiid birra. Mátkki oassálastit ceggejedje dološ ja njeidojuvvon bálvvosgeađggi ruovttoluotta. Esko Aikio ofelasttii guovllu loddemáilbmái. Oassálastit ledje 11.

Stivrabargu

Dábálaš jahkečoahkkin guovvamánu 24. beaivvi vällji odđa ságadoallin Esko Aikio, várreságadoallin Eila Laiti, čállin Torkel Rasmussen ja eará stivralahttun Heidi Eriksen ja Birit Vuolab. Guktot ságadoallit ja čáli geassádedje stivrras ja nu lágiduvvuide badjelmearálaš jahkečoahkkin skábmamánu 11. beaivve, mii vällji ságadoallin Kati Eriksen, váreságadoallin Issát Sara ja dábálaš lahttun Veikko Holmberg. Dan maŋŋá stivra vällji Birit Vuolab čállin.

Jagis 2007 lea lágiduvvon guhtta stivračoahkkima.

Cealkámušat

Meahcchállddahus lea bivdán cealkámuša Čohkkángeađggi muitopláhta bidjamis, mii lea Buolbmátjávrru geainnu guoras Njuorggáma lahka. Searvi čálii cealkámuša mas miđiha muitopláhta bidjama jos beare teaksta boahťa sámegillii ja bajimussii sámegillii.

Sámedikki 2007 válggat

Sámi Siida geahččala lágidii válgačoahkkima ja bovdii evttokasaid jearahallandilálašvuhtii Ohcejohkalaš evttokasain guđas serve válgačoahkkimii. Issát Sara ja Niilo Vuomajoki doaimmaiga ságastallin čoahkkimis. Oasálastit ledje sullii 20.

Suoma Sámi Guo.vddášsearvi – SSG

Sámi Siida lea SSG:a lahttosearvi ja oasálastii SSG jahkečoahkkimii. Jahkečoahkkin lágiduvvui geassemánus Roavvenjárggas. Searvvi bealis jahkečoahkkimii oasálasttii Vieno Länsman.

Ruovttusiiddut

Sámi Siida ruovttusiidduid gávdná <http://www.samisiida.org>. Min siidduide biddjojit Sámi Siida cealkámušat ja dieđut doaimmaid birra. Govat Sámi Siida lágidemiin gávdnojit maid. Siidduid ođasmahtta Raimo Länsman.

Guovtti nurrii stipeanda

Sámi Siida lea dán gida juohkán stipeandda – 50 euro guovtti nurrii guđet leaba čájehan erenoamáš beroštumi sámegielas sihke skuvllas ja skuvlla olggobealde. Stipeandda oazžut leaba Ohcejotnjálmmi badjedási oahppi Petja Rasmus ja logahaga oahppi Aslak Holmberg.

Mánáid- ja nuoraiddoaimmat

Sámi Siida lea lágidan ovtta olggobeavvi mánáide gidđat 2007. Čakčat searvi lea lágidan nuoraid musihkajoavkku hárhállamiid. Joavkku lea láidestan Niilo Rasmus.

Valáštallandoaimmat

Sámi siiddas leamašan iežas dolgespábba hárhállanvuorru Ohcejotnjálmmi skuvlla sáles. Searvi lea maid máksán Sámi siidda lahtuide vuojadanmávssu juohke vuossárgga jagi 2007 loahpas.

Álbmobeaidoalut

Sámi Siida lea lágidan álbmotbeaivedoaluid ovttas Sirpmá giliserviin ja dat leat vuoruid mielde ordnejuvvon Ohcejotnjálmmes ja Sirpmás. Jagis 2007 lei Ohcejoga vuorru doaibmat doaluid praktihkalaš lágideaddjin. Beavái gulai kulturprográmma, beavvi sárdni ja sámi mállásat. Doaluide oassálaste badjelaš čuođe olbmo.